

Sraith Pictiúr 2: Imreoir Gortaithe

Gníomhaíocht 1 – bí ag éisteacht, scríobh agus ag caint:

- Féach ar bhosca 1 agus éist leis an gcur síos air dhá/trí bhabhta.
- Déan iarracht an méid a chloiseann tú a scríobh síos. (Muna bhfuil tú in ann abairtí iomlána a scríobh is leor eochairfhocail agus frásaí).
- Déan an méid atá scríofa agat a roinnt/a phlé leis an duine in aice leat. An bhfuil sibh in ann teacht ar an gcur síos iomlán.
- Éist leis an gcur síos arís.

Gníomhaíocht 2 – líon na bearnaí:

- Féach ar bhoscaí 2 agus 3.
- Thíos tá cur síos ar bhoscaí 2 agus 3. Déan iarracht na bearnaí a líonadh.

2) I bpreabadh na _____ bhí Caoimhín sínte ar fhleasc a _____ .

Shéid an réiteoir an _____ .

Tháinig na hoifigigh garchabhracha le sínteán.

Bhí an bainisteoir ag béiceadh in ard a _____ ach thug an réiteoir an chluas _____ dó.

Gan _____ gan urlabhra a bhí Caoimhín faoin tráth seo.

3) Tógadh é go dtí an seomra _____ agus timpiste ar luas _____ .

Bhí sé a _____ a chlog agus an áit _____ le daoine.

Tháinig a mheabhair chuig Caoimhín ach bhí pian uafásach ina chos agus é sceimhlithe ina _____ .

- Déan do chuid freagraí a roinnt/a phlé leis an duine in aice leat.
- Éist leis an gcur síos ar bhoscaí 2 agus 3.

Gníomhaíocht 3 – cuir in ord:

- Thíos tá cur síos ar bhoscaí 4 agus 5, ach níl sé san ord ceart. An féidir leat é a chur san ord ceart.

Thit an lug ar an lag ag Caoimhín bocht.

Bhí Caoimhín tagtha chuige féin beagáinín faoin tráth seo ach bhí an plástar an-mhíchompordach.

Mhínigh an dochtúir dó go raibh a chos briste agus go mbeadh air sos fada a thógáil ón spórt.

D'éirigh an bainisteoir an-mhífhoghneach agus thug sé íde béil don altra bocht.

Mhínigh sí dó nach raibh aon leigheas ar an scéal.

Ina dhiaidh sin tugadh isteach i seomra an dochtúra é.

Chaith siad dhá uair an chloig ag feitheamh.

Faoi dheireadh is faoi dheoidh rinneadh x-ghathú ar a chos agus cuireadh plástar air.

- Déan do fhreagra a roinnt/a phlé leis an duine in aice leat.
- Éist leis an gcur síos ar bhoscaí 4 agus 5.



Gníomhaíocht 4- bí ag scríobh agus ag caint:

- Déan iarracht cúig líne a scríobh ag déanamh cur síos ar bhosca 6.
- Tá roinnt fhocal/nathanna sa scamall focal thíos le cabhrú leat.
- Déan iarracht focail/nathanna/briathra eile a aimsiú ar www.focloir.ie

Gníomhaíocht 5 – bí ag léamh:

- Léigh an cur síos thíos ar an SP.

Gníomhaíocht 6 – bí ag éisteacht:

- Éist leis an gcur síos iomlán ar an SP.
- Breathnaigh ar an téacs ag an am céanna más maith leat.

Gníomhaíocht 7 – ciorcal comhrá:

- Ag úsáid na nótaí (ach gan a bheith á léamh), déanfaidh tú cur síos ar thrí cinn de na boscaí don duine ina aice leat. Ansin déanfaidh sé/sí sin cur síos ar na trí bhosca eile. Is féidir seo a dhéanamh cúpla uair le páirtneirí difriúla.
- Cuir roinnt de na ceisteanna ar a chéile.
- Déan iarracht ceisteanna nua a chumadh.

Gníomhaíocht 8 – deis taifeadta:

- Déan tú féin a thaifeadadh ag déanamh cur síos ar an SP.
- Éist leis an taifeadadh atá déanta ag daoine eile.

Gníomhaíocht 9 – nathanna cainte: bí ag caint agus ag scríobh:

- Tá go leor nathanna cainte/focail úsáideacha sa téacs thíos. Tá roinnt acu marcáilte. Déan iarracht cuid acu a chur in abairt ó bhéil leis an duine in aice leat.
- Déan iarracht cuid eile acu a chur in abairt scríofa.
- Mura dtuigeann tú céard is brí le nath cainte déan é a chuardach ar www.focloir.ie.


Gníomhaíocht 10 – céard fút féin?

- Scríobh cúpla pointe faoi laethanta saoire a bhí agat féin.
- Déan iarracht cuid de na nathanna sa téacs thíos a úsáid.
- Déan focail agus briathra nua a chuardach ar www.focloir.ie
- Nodanna/Feidhmeanna Teanga: Cuir síos a thabhairt ar na laethanta saoire a rá gur thaitin nár thaitin siad leat agus cén fáth.
- Déan an méid atá scríofa agat a roinnt leis an duine in aice leat.
- Arís is féidir tú féin a thaifeadh.

Gníomhaíocht 11 – mír Seoigh!

Rólghlacadh!

- Scríobh an comhrá atá ar siúl ar an nguthán.
- Úsáid do shamhlaíocht!
- Nodanna/Feidhmeanna Teanga: Tabhair teachtaireacht, déan rud éigin a iarraidh, déan moladh.
- Déan an méid a scríobh tú a roinnt leis an duine in aice leat.



Imreoir Gortaithe

1) Bhí cluiche iománaíochta **faoi lán seoil** agus **comhrac an bhradáin** idir an dá fhoireann.

Bhí an saol agus a mháthair ag an gcluiche.

Cúl agus trí chúilín ag Scoil Pheadair; cúl agus cúilín amháin ag Coláiste Mhuire.

2) I bpreabadh na súl bhí Caoimhín **sínte ar fhleasc a dhroma**.

Shéid an réiteoir an fheadóg.

Tháinig na hoifigigh garchabhracha le sínteán.

Bhí an bainisteoir ag béiceadh **in ard a chinn is a ghutha** ach thug an réiteoir **an chluas bhodhar dó**.

Gan aithne gan urlabhra a bhí Caoimhín bocht faoin tráth seo.

3) Tógadh é go dtí an seomra éigeandála agus timpiste ar luas lasrach.

Bhí sé a trí a chlog agus an áit dubh le daoine.

Tháinig a mheabhair chuig Caoimhín ach bhí pian uafásach ina chos agus é **sceimhlithe ina bheatha**.

4) Chaith siad dhá uair an chloig ag feitheamh.

D'éirigh an bainisteoir an-mhífhoighneach agus thug sé ide béil don altra bocht.

Mhínigh sí dó nach raibh aon leigheas ar an scéal.

Faoi dheireadh is faoi dheoidh, rinneadh x-ghathú ar a chos* agus cuireadh plástar air.

5) Ina dhiaidh sin, tugadh isteach i seomra an dochtúra é.

Bhí Caoimhín tagtha chuige féin beagáinín faoin tráth seo ach bhí an plástar an-mhíchompordach.

Mhínigh an dochtúir dó go raibh a chos* briste agus go mbeadh air sos fada a thógáil ó chluichí spóirt.

Thit an lug ar an lag ag Caoimhín bocht.

6) Faraor, bhí air déanamh ar an dochtúir agus sos a thógaint ón iománaíocht ar feadh cúig mhí. **Bhí díomá an tsaoil air**.

Ní raibh a fhios aige ó thalamh an domhain céard a dhéanfaidh sé i rith an ama sin.

Ní raibh suim dá laghad aige i gcluichí cosúil le ficheall.

B'fhada leis go mbeadh sé ar ais ar a sheanléim arís.

*Is féidir 'a chois' a rá freisin. Is é is coitianta sa Ghaeltacht agus tá sé cruinn ceart.

Ceisteanna don Idirghníomhaíocht:

- 1) Céard a tharla do Chaoimhín, meas tú?
- 2) Céard a tharla don imreoir a rinne feall ar Chaoimhín?
- 3) Cé mhéad ama a chaith siad san ospidéal san iomlán, meas tú?
- 4) Cad dúirt an bainisteoir leis an réiteoir?
- 5) Cad dúirt an bainisteoir leis an altra? Cad dúirt sí ar ais leis?